

# ZTE MF30 MiFi-AREN KONFIGURAZIOA




Ondoren, urratsez urrats esplikatuko dizugu nola konfiguratu MiFi-a.

## 1. MIFI-A PRESTATZEA

- Ireki bateriaren tapa, eta sartu SIM txartela, kaxako eskuliburuan zehaztu bezala.
- Bateria jarri aurretik, idatziz jaso WiFi sarearen izena (WiFi SSID) eta pasahitza (Password); bateriaren konpartimentuaren etiketan agertzen dira.
- Sartu bateria, jarri tapa eskuliburuan adierazi bezala, eta piztu MiFi-a, alboko pizteko botoia erabilia.

## 2. MIFI-AREN KONFIGURAZIOA

- WiFi konexioa duen edozein gailutatik (ordenagailua, tableta...) konektatu behar duzu MiFi-ra. Horretarako, erabili zure gailuko WiFi aplikazio estandarra, eskuragarri dauden haririk gabeko sareak bilatzeko. Hautatu etiketan agertzen zen sarearekin (lehen idatzi duzunarekin (WiFi SSID)) bat datorrena, eta, pasahitza eskatzen dizunean, sartu etiketan bertan agertzen zena.
- WiFi sarera konektatu ondoren, ireki web-nabigatzaile bat, eta sartu MiFi-aren konfigurazio-orrian: **http://192.168.0.1**.  
Saioa hasteko, administratzaile-pasahitza sartu behar dugu sistemara sartzeko (lehenespenez, admin)
- SIM txartelaren PINa sartu behar duzu. Administrazio-orrian sartu orduko, PINa sartzeko leihoa bistaratuko da. MiFi-a pizten den bakoitzean egin beharko da hori.



- Interneteko konexioa gaitu behar duzu **Conexión Wan** menu-aukerara sartuta. **Conexión Automática** aukera hautatu behar duzu, eta **Aplicar** sakatu. Pauso hori behin bakarrik eman behar da; ez da errepikatu behar MiFi-a pizten den bakoitzean.

